



Javna ustanova „Služba za zapošljavanje Kantona Sarajevo“ Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09, 18/13 i 23/24), te Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2024. godini broj: 02-04-7734-42.1/24, utvrđen Zaključkom Vlade Kantona Sarajevo broj: 02-04-7734-42/24 od 07.03.2024.godine, Programom o izmjenama i dopunama Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2024. godini, broj: 02-04-36792-1.1/24, utvrđen Zaključkom Vlade Kantona Sarajevo broj: 02-04-36792-1/24 od 16.07.2024. godine, te Programom o izmjenama i dopunama Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2024. godini, broj: 02-04-6476-18.1/25, utvrđen Zaključkom Vlade Kantona Sarajevo broj: 02-04-6476-18/25 od 27.02.2025. godine o b j a v l j u j e;

**JAVNI POZIV NEZAPOSLENIM OSOBAMA
DA SE PRIJAVE ZA UČEŠĆE U PROGRAMU OBUKE, DOKVALIFIKACIJE I
PREKVALIFIKACIJE NEZAPOSLENIH OSOBA ZA POZNATOG POSLODAVCA**

I

U cilju realizacije Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2024. godini i Programa o izmjenama i dopunama Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2024. godini, Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba), poziva nezaposlene osobe prijavljene na evidenciju nezaposlenih u Kantonu Sarajevo da se prijave za učešće u Programu.

Program obuke, dokvalifikacije i prekvalifikacije nezaposlenih osoba za poznatog poslodavca (u daljem tekstu: Program) realizuje se obukom, dokvalifikacijom i prekvalifikacijom nezaposlenih osoba sa evidencije nezaposlenih u Kantonu Sarajevo za poznatog poslodavaca sa sjedištem u Kantonu Sarajevo.

U smislu ovog Programa: Obuka je sticanje znanja i vještina za obavljanje složenijih poslova koji su srodni osnovnom zanimanju nezaposlene osobe; Dokvalifikacija je stručno osposobljavanje u cilju postizanja viših stepena znanja i vještina u okviru postojećeg zanimanja; Prekvalifikacija je obrazovanje u kojem nezaposlena osoba stiče znanja i vještine za drugo zanimanje u odnosu na postojeće.

Dužina trajanja obuke, dokvalifikacije i prekvalifikacije je maksimalno 6 mjeseci i može se realizovati u ustanovama, centrima za obuku ili drugim organizacijama koje su registrovane za ovu vrstu djelatnosti u skladu sa Zakonom o obrazovanju odraslih u Kantonu Sarajevo („Službene novine Kantona Sarajevo“, broj 40/15).

II

Služba će poslodavcima korisnicima ovog Programa zas novo zapošljavanje finansirati troškove obuke, dokvalifikacije i prekvalifikacije nezaposlenih osoba u maksimalnom iznosu od 1.000,00 KM po nezaposlenoj osobi, te po završetku obuke, dokvalifikacije ili prekvalifikacije u periodu od 6 mjeseci po 1.000,00 KM mjesečno, uz obavezu poslodavca da osobe čije se obuke, dokvalifikacije i prekvalifikacije finansiraju po okončanju iste, zaposli na period od najmanje 6 mjeseci.

Ako su troškovi obuke, dokvalifikacije/prekvalifikacije veći od 1.000,00 KM, isti padaju na teret poslodavca.

Služba će plaćanje obaveza za obuku, dokvalifikaciju i prekvalifikaciju po ovom programu vršiti direktno izvođaču obuke, dokvalifikacije i prekvalifikacije nakon završetka iste i dostavljanja dokaza da su polaznici završili obuku, dokvalifikaciju ili prekvalifikaciju (certifikat, potvrda ili drugi validni dokaz), fakture za plaćanje i izvještaja o provedenoj obuci od strane izvođača obuke, dokvalifikacije ili prekvalifikacije, a sredstvaza sufinansiranje bruto plaće će se refundirati poslodavcu.

III

Poslodavci koji žele učestvovati u Programu dužni su dostaviti u originalu ili ovjerenoj fotokopiji:

- a) aplikaciju za finansiranje obuke, dokvalifikacije ili prekvalifikacije u roku predviđenim ovim javnim pozivom,
- b) rješenje o registraciji u Kantonu Sarajevo, a za pravna lica koja su u skladu sa Zakonom obavezna izvršiti upis u sudski registar, dostaviti aktuelni izvod iz sudskog registra u Kantonu Sarajevo koji ne smije biti stariji od 60 dana od dana podnošenja prijave na javni poziv,
- c) uvjerenje o izmirenim obavezama po osnovu poreza i doprinosa ne starije od 60 dana od dana prijave na javni poziv (izdat od strane Porezne uprave Federacije Bosne i Hercegovine),
- d) uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) ne starije od 60 dana od dana podnošenja prijave na javni poziv,
- e) Plan i program obuke, dokvalifikacije ili prekvalifikacije ovlaštene ustanove, cntra za obuku ili druge organizacije koje su registrovane zaovu vrstu djelatnosti,
- f) Predračun troškova izvođača obuke, dokvalifikacije ili prekvalifikacije,
- g) Elaborat o opravdanosti zahtjeva za obuku, dokvalifikaciju ili prekvalifikaciju.

U Programu ne mogu učestvovati:

- a) Poslodavci koji redovno ne izmiruju obaveze uplata javnih prihoda ne mogu učestvovati u Programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje BiH ukoliko je poslodavac PDV obveznik o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje BiH ili uvjerenje da poslodavac vrši uplate po potpisanom ugovoru,

b) Poslodavci koji nemaju nijednog radnika ili osobu prijavljenu u radni odnos.

IV

Poslodavci korisnici ovog Programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika, raskida ugovora o radu na zahtjev radnika ili isteka ugovora o radu na period na koji je sklopljen a do okončanja ugovora o sufinansiranju.

Izuzetno, ova odredba se ne odnosi na poslodavce iz Javnog sektora.

V

Javni poziv za Program ostaje otvoren do utroška sredstava, a najduže 6 mjeseca od dana objave uz mogućnost prekida i prije isteka 6 mjeseca, a odobravanje aplikacija po Programu vršit će se prema vremenu i redosljedu zaprimanja na protokolu Službe.

VI

Služba će sa poslodavcima koji budu obuhvaćeni Programom, zaključiti ugovore kojima će biti regulisana sva prava i obaveze ugovornih strana u skladu sa Programom.

Rok za realizaciju Programa je 15 mjeseci od dana potpisivanja pojedinačnih ugovora, uključujući i eventualne anekse ugovora. Izuzetno, rok za realizaciju Programa može se produžiti usljed nastupanja okolnosti da je osoba čije se zapošljavanje sufinansira privremeno spriječena za rad duže od 42 dana ili zbog korištenja porodiljskog odsustva sufinansirane osobe, te se u tom slučaju obustavljaju refundacije do prestanka pomenutih okolnosti, a o čemu će poslodavac blagovremeno obavijestiti Službu te dostaviti relevantne dokaze o prethodno navedenom.

VII

Obrazac za podnošenje - aplikaciju za finansiranje obuke, dokvalifikacije ili prekvalifikacije u roku predviđenim ovim javnim pozivom, može se dobiti u Službi u Odjeljenju za podsticajne mjere zapošljavanja, ulica Đoke Mazalića 3, kancelarija br.16/I, općinskim biroima ili preuzeti sa web stranice Službe www.szks.ba.

Nepotpuni i neblagovremeni zahtjevi neće se uzeti u razmatranje, a Služba neće vršiti povrat zaprimljene dokumentacije.

VIII

Rezultati ovog javnog poziva biće objavljeni na web stranici Službe.

IX

Aplikacije sa potrebnom dokumentacijom, podnose se neposredno ili preporučeno putem pošte Javnoj ustanovi „Služba za zapošljavanje Kantona Sarajevo“ Sarajevo, ulica Đoke Mazalića broj 3, u zatvorenoj koverti sa napomenom: „Za Program obuke, dokvalifikacije i prekvalifikacije nezaposlenih osoba kod poznatog poslodavca“.

Dodatne informacije mogu se dobiti u Odjeljenju za podsticajne mjere zapošljavanja, kancelarija broj 16/I i na broj telefona 033/ 569-127.

Sarajevo, Đoke Mazalića 3,
web-stranica: www.szks.ba; e-mail adresa: info@szks.ba
Tel:++387 (33) 569-100, fax: 204-177; Matični broj: 4200304610003;
Poreski broj: 01079085; Računi Intesa Sanpaolo Banka d.d. Sarajevo:
1549212010171056-depozitni račun, 1540012000135120-transakcijski račun

